

顧云美手寫

吳舊語

風雨樓秘笈
留真之一

乙卯年二月餘杌褚德麟



三吳舊語一卷

顧云美先生手寫本

藝芸精舍汪氏藏書

吳縣顧苓云美撰云美善隸書工篆刻精鑒金石碑版居虎丘山塘蕭然敝廬中懸
思陵御書時肅衣冠再拜款獻太息有塔影園稿云美所著書多不存此三吳舊語
為云美手寫真蹟云美遭國變後散跡江湖志有所規畫當時義師遍於東南吳日
生沈君晦等方樹旗鳴角於三江五湖之間云美乃有此述作力言東南之可以勝
西北博引鄉邦舊史為證雖書生之見未除而義憤填膺渴望恢復讀其敘語志可
悲矣云美所著尚有金陵野鈔一書未附東南死難紀畧藏余笥中已久亦傳寫未
刊稿二書皆語多憤慨故歷清代二百餘年無敢為之刊佈者然金陵野鈔其目尚
見於郡志錢塘丁氏藏有舊鈔本惟是本向未見各家著錄今僅存真蹟向為汪閣
源藝芸精舍所藏後歸江建霞靈鶴閣寶藏完好斷楠為匣人間孤本信足珍闕江
氏物故此本流落市上余乃購得之卷端有鬻鬻生題七律二首葉鞠裳前輩手筆
也乙卯清明日鄧實記于風雨樓



三吳舊語

東吳顧云
美瑛并書





蕭江書庫



三吳舊語序

蒼生長江南家傳素業目不辨風雲之色耳不察金鼓之音是不語步伐止齊手不勝干戈矢石遭時喪亂放廢山阿採拾舊聞流連往帙班彪論王命東漢中興杜甫賦北首逆胡殄滅夏殷皆建都中土自秦王咸陽而形勢如重更關中晉宋固偏安江左何唐復長安而威命不行河北天行交乎人事推移勝國道蹤即興王之聲跡羣雄割據為真主而驅除句踐十年不過會稽之地少康一旅何必有夏之墟況三江五湖總非戎馬之利山谿海島無非霸王之資



者乎今古興止宛然可數英雄成敗大抵如斯既撰成書復加論次難辭罪我匪莫知心滁陽顧苓序



滿目河山豈黍離備然衣薜不言時鐵函何日沉臂升白壁當年遺瀉地流涕可無怖髮集奮翬聊作快心詞遠民文字精靈甚未見孤山處士詩
堂洞上與同羣高卧雲陽憶舊君已是蜚鴻迷冥去不妨焚火吹信上大馬為守留孤舟
為訪遺文此書亦為錄
辛卯三月題 鄭髮生



三吳舊語

吳

顧苓云美撰

吳越本末

吳自太伯十九世至壽夢楚申公巫臣教吳乘車戰
陳侵驅始通上國遂伐楚壽夢十六年楚使子重伐
吳克鳩茲至于衡山王餘祭十年楚靈王會諸侯伐
吳之朱方吳亦伐楚取三邑十一年楚伐吳至雩婁
十二年又伐吳次乾谿王僚二年公子光伐楚敗而
止王丹光釁楚復得之八年伐楚敗之因北伐敗陳
蔡之師九年楚子為舟師以畧吳疆沈尹戌曰此行

也楚必止邑不撫民而勞之吳不動而速之吳踵楚
而疆場無備邑能無亡乎及圍陽而還吳人踵楚滅
巢及鍾離沈尹戌曰亡郢之始于是左吳十三年吳
伐楚師至于潛吳師不能退公子光弑王更召闔
廬楚師還吳師止楚封之闔廬三年伐徐五年伐
越左氏曰始用師于越也史墨曰不及四十年越其
有吳乎越得歲而吳伐之必受其凶七年桐叛楚吳
使舒鳩人誘楚伐吳師于豫章吳人見舟于豫章
弟將伐桐而潛師于巢吳軍楚師于豫章敗之遂圍
巢克之九年吳與唐蔡伐楚舍舟于淮汭自豫章與

楚夾漢左司馬成謂子嘗曰子沿漢而與之上下我
悉方城外以毀其舟還塞大隧直轅冥阨子濟漢而
伐之我自後擊之必大敗之既謀而行史皇謂子嘗
曰楚人惡子而好司馬若司馬毀吳舟塞城口而入
是獨克吳也子必速戰不然不免乃濟漢而陳自小
別至于大別三戰子嘗欲奔史皇止之闔廬之弟夫
槩以其屬五千擊子嘗之卒。奔楚師亂吳大敗之
及清發半濟而擊之又敗之五戰入郢中包胥以秦
師至秦子蒲使楚人先與吳人戰而自稷會之敗吳
師是行也越伐吳亦入之十一年吳太子終楚敗楚

舟師陵師十九年伐越：王句踐迎擊之敗之槁李
吳王死子夫差立二年伐越敗之夫棼越保會稽于
是吳三伐齊子胥曰越腹心也齊石田也不聽乃從
海上攻齊而敗十四年越入吳：欲伐宋大宰嚭曰
可勝而不能居也乃止十八年越敗吳師于笠澤二
十三年遂滅吳：入于越：七傳而王無疆伐楚戰
殲楚盡取吳故地而越散濱于江南海上秦始皇二
十三年楚亡而後定楚江南地置會稽郡會稽初治
吳縣後移越州
論曰自周室東遷而齊晉秦楚之相雄長也宋衛陳

鄭無一歲不受兵而吳越之間晏然楚大夫教吳車戰遂用于楚于是吳楚歲相侵伐幾亡楚國蓋吳之與楚地利共之故吳之入楚也易楚之入吳也亦易然所與共者不過長江之險至于湖濱主流之水輕舟利楫之技無所不與吳共者非楚也勾踐平吳以淮泗之地與楚與宋魯地與宋雖得之而不能有者越人初通上國地利既殊人事不習亦猶子胥之云石田而軍器所言能勝不能居也越王無疆兵敗身死盡失其地至浙江諸子臣服于楚七世而閔君搖徙諸侯平秦則秦之所不能止者越也越王勾踐深

謀報耻為中興祖其遺風猶在平自此而後興往日之吳越不同矣

會稽守殷通項梁項羽

秦二世元年七月陳涉兵起號張楚九月會稽守通謂項梁曰江西皆反此亦天亡秦之時也吾聞先發制人後則為人所制吾欲發兵使公及桓楚將梁乃使項羽殺通佩其印綬諭故所知豪吏起吳中兵收下縣得精兵八千梁自為會稽守羽為裨將徇下縣定江東二年正月遂以八千人渡江而西三年入咸陽滅秦引兵歸彭城羽自為西楚霸王現出與漢戰滎陽成畢間者五年食盡兵少渡淮而東至烏江亭長曰江東地方千里衆數十萬人亦足王也籍曰籍

四

與子弟八千人渡江而西今無一人還縱江東父老憐而王我：何面目見之遂死

論曰讀項羽本紀而知為亡秦者吳也會稽守通知先發之制人而遂為梁所先將八千子弟赴秦而秦亡矣其為天下雪耻報讎者非吳人哉

吳王濞

秦并天下定荆江南地為鄣會稽九江三郡項羽封英布王九江盡有其地漢更九江曰淮南封布王之而封韓信王楚信廢分其地為二以吳地封劉賈為荆王。淮東五十二城英布反擊荆王走富陵死布誅高帝患吳會稽輕悍無壯王以填之乃立濞子沛為吳王。鄣會稽豫章三郡文帝時削吳王會稽豫章書至則吳王起兵廣陵矣吳王敗渡江走丹徒保東越。人殺以聞論曰布之反也薛公笑之者三皆曰東取吳王淮南

王反伍被亦曰東收江都會稽其言不得行而兩人皆無成也獨吳王濞白頭舉事而無能為者其獨其名不順也與計之失也桓將軍說王曰吳多步兵利險漢多車騎。利平地願大王所過城邑直棄去疾西據雒陽武庫食教倉粟阻山河之險以令諸侯雖毋入關天下固已定矣即大王徐行而下城邑漢軍車騎至馳入梁楚之郊事敗矣不用其計故條侯壁壁士卒饑散王走死東越也使桓將軍之計行吳亦未可知也豈步騎長短必不相敵哉

孫吳本末

孫堅富春人初為吳郡司馬熹平三年討平會稽妖賊許生中平元年八月破黃巾賊于南陽四年長沙區星反討平之封烏程侯初平元年為袁術擊劉表敗死興平元年術以難餘兵付其子策拜懷義將軍堅舊將丹陽朱治勸策歸取江東策將千餘人及數十騎收兵至歷陽得五六千丹陽太守周尚從子瑜將兵迎之攻拔橫江既渡江所向皆破百姓聞孫郎來如失魂魄長吏委城郭竄山州遂攻牛渚營盡獲糧械破秣陵下湖孰江乘進擊曲阿遂吳郡太守而

據其郡明年七月引兵渡錢唐會稽太守王朗拒之固陵策分兵入查瀆襲高遷屯朗敗浮海退降之三年封策吳侯四年十一月襲皖城克之得兵二千餘人船千艘進擊黃祖獲船六千艘拘豫章降之五年策卒時策有吳郡會稽丹陽豫章廬江矣謂張昭等曰中國方亂以吳越之衆三江之險足以觀成敗以其衆授弟權領之曹操表為討虜將軍魯肅曰漢室不可復興曹操不可卒除為將軍計惟有保守江東以觀天下之變耳若因北方多務剷除黃祖進伐劉表竟長江所極據而有之此王業也十三年權破江

夏斬黃祖及曹操敗劉備追至赤壁與權書曰今治水軍八十萬方與將軍會獵于吳周瑜曰操北土未平馬超韓遂皆為後患而舍鞍馬仗舟楫與吳越爭衡中國士衆遠涉江湖不習水土必生疾病用兵所患也乃發三萬人擊操敗走十二月黠縣賊陳僕等屯林歷山破討之以其地為新都郡十七年作石頭城徙治秣陵改名建業夷濡須水口立陽十月操率兵至濡須權禦之十八年正月遣操書曰春水方生公宜速去遂還十九年五月攻皖破之二十二年操擊權降冬遣陸遜討丹陽山越平之二十四年

權欲取徐州呂蒙曰徐土往自可克然地勢陸通今日取之操後旬必來爭難以七八萬人守之猶當懷憂不如取羽全據長江形勢益張易為守也遂擊荊州明年操死王篡又明年備稱章武元年權徙治武昌城之二年蜀伐吳使別將督江北軍備率諸將繇江南緣山截嶺軍于夷道連營數十屯陸遜曰夷陵國之門限失之則荊州可憂臣初嫌彼水陸俱進今反舍船就步處結營無他變矣遂進攻蜀軍敗之魏伐吳曹休出洞口曹仁出濡須曹真等圍南郡王自出許昌南吳遂敗元黃武臨江拒之魏師還黃

武三年王以舟師循蔡賴浮淮如壽春至廣陵吳列
舟艦于江植木衣葦為疑城假樓自石頭至江乘懸
綿數百里時江水盛長王臨江望之歎曰雖有武騎
千羣無所用之未可圖也遂還四年四月魏以舟師
自譙循渦入淮十月至廣陵故城觀兵臨江時方寒
淮舟不得入江王見波濤洶湧歎曰固天所以限南
北也去之吳邀之徑路獲副車羽蓋戰艦數千滯不
得即還七年五月敗曹休于石亭明年改元黃龍遷
建業三年敗魏兵于阜城明年改嘉禾二年六月攻
新城：：遠水積二十日不敢舍舟及上岸敗還三

年諸葛恪以丹陽山險民多果勁自期三年可得甲
士四萬乃以為丹陽太守果得四萬人六年以為威
北將軍徙屯廬江皖口明年改赤烏十三年魏擊吳
引水絕渡江戰于江陵誘至平地大敗明年權卒亮
立明年改元建興十月備東興隄左右夾山築兩城
守以千人魏發兵擊之浮橋以渡陳于隄上分兵攻
城諸葛恪將兵從山西上舉帆二日至東關據徐塘
與戰破之魏軍爭渡橋斷死者數萬六年亮廢立休
改元永安其六年蜀亡明年休卒皓立改元甘露魏
亡吳遷都武昌諸郡苦于泝流供給二年十二月還

都建業又五年為鳳凰元年晉謀伐吳任大艦長百
二十步受二千餘人木城樓櫓開四出門上可馳馬
建平太守吾彥知之為鐵鎖以斷江路九月步闡據
西陵叛降晉羊祜出江陵陸抗赴西陵援之祜亦還
天璽元年羊祜論伐吳曰若以梁益之兵水陸俱下
荆楚之眾進臨江陵平南豫州直指夏口徐揚青兗
並會秣陵其俗急速不能持久弓弩戰楫不如中國
惟有水戰是其所便一入其境則長江非復所保還
趣城池去長就短非吾敵也又二年天紀元年祜曰
孫皓暴虐已甚不戰可克若更令主雖百萬之眾長

江未可窺也十一月晉杜預襲西陵破之三年十一
月晉遣瑯琊王由出涂中王渾出江西王戎出武昌
胡奮出夏口杜預出江陵王濬已東監軍唐彬下巴
蜀賈充將中軍屯襄陽明年正月渾出橫江所向皆
克濬彬破丹陽克西陵荆門夷道杜預襲樂鄉入之
濬又破陸景水軍預克江陵沅湘以南皆望風降攻
武昌亦降諸將趨建業吳人帥眾至牛渚渡江戎率
八萬方舟百里戰于板橋敗績濬自武昌順流而下
吳將皆降直指建業皓出降吳亡
論曰讀三國志而知三吳之地易得而難失也以中

原之人入江東之地則難以江東之人據江東之地則易也策之入吳也以堅舊恩入丹楊拔橫江破秣陵逐吳郡太守而有之非有兵革之利也吳郡遂得會稽遂降鼎峙之業歷八十五年荀非有孫皓暴虐長江未可窺也曹孟雨至廣陵臨江輒返曹操至濡須仲謀直以片紙却之與六國之仰攻函谷何以異哉

義陽蠻張昌石冰偽揚州刺史陳敏

晉惠帝時流人李特反蜀荊州以詔發兵討之民不願行督遣逼迫先是鎮南大將軍歆督荊州嚴急失蠻夷心聚眾欲為亂因誑惑百姓招納亡命民避戍役多往從之昌遂反江夏太守弓欽討之不勝奔武昌據江夏而江沔之間騷然應之至樊城歆拒之眾潰死至方城荊州刺史劉弘討之敗績昌陷江南破荊州武陵零陵豫章武昌長沙遣別將石冰寇揚州殺刺史陳徽諸郡盡沒臨淮人封雲舉兵應之八月昌敗死冰據臨淮十二月揚州秀才周玘推前

吳興太守顧祕起義軍督揚州九郡殺水將吏州郡
響應水退趨壽春于是征東將軍劉準遣廣陵度支
陳敏討水敏曰此不樂遠成逼迫成賊其衆易離者
也遂擊之轉戰皆捷二月合起兵至建康斬之揚徐
二州平起等散衆還家朝廷以敏為廣陵相敏既克
水自矜勇略明年十二月偽受朝命稱揚州刺史
劉机丹陽太守王廣皆棄官走招集名士顧榮甘卓
周玘並受偽官據有江東居建業者一年永嘉元年
榮玘密遣使報劉準使發兵臨江敏遣卓出橫江榮
私于卓使潛謀起兵又使敏司馬錢廣殺敏弟昶于

烏江勒兵朱雀橋東卓斷橋收船南岫共攻敏帥
萬餘人擊之軍人隔水語敏衆曰本所以戮力陳公
者以顧丹揚周安豐耳今皆異矣汝等何為榮以白
羽扇麾之衆潰斬敏

論曰石冰陳敏相繼為賊旋就撲滅者皆吳人之力
也周安豐初起義軍殺賊之平而暫染偽命終與顧
甘潛圖克復事亦獲濟當是時也東吳播遷朝不謀
夕而三吳名士猶能以身捍桑梓宣力王室榮之私
于卓也其言曰事敗之日使江西諸軍函首送雒題
曰逆賊顧榮甘卓之首豈惟一身顛覆辱及萬世大

義凜宜具有成也將又有吳興錢璠自稱將軍安
豐僅合鄉里之衆即時授首國家以其三定江南勲
誠並茂至為立義興郡以彰其功卒以不調怨望詔
謀不減惜矣

蘇峻

晉懷帝永嘉之亂百姓流亡所在屯聚振縣人蘇峻
糾合數家千結壘自保元帝立于建康假峻安集將
軍浮海至廣陵累官臨淮太守王敦作逆敗峻之橫
塘進冠軍將軍封邵公陵銳卒數萬器械精好朝廷
以江外寄之咸帝二年徵為大司農不赴乞補荒郡
自劾不許遂發兵與祖約反遣將龐姑孰先是陶回
請及峻未至急斷阜陵守江西當利諸口庾亮不聽
陷之進逼慈湖破之峻遂濟自橫江陶回曰峻知石
頭有重戍必向小丹陽南道步來可伏兵擒也又不

聽王師屢敗亮奔尋陽峻兵犯闕掠六官易官司遣韓晃入義興張健管商入晉陵于是溫嶠陶侃舉兵入援自武昌南下葉壘白石會稽內史王舒遣兵一萬西渡浙江吳興太守虞潭吳國內史蔡謨義興太守顧眾應之峻命商等進攻吳郡焚吳縣海鹽義興敗三吳義軍又焚餘杭至武康敗還都鑒主大業曲阿虔亭三壘以分峻兵嶠將毛寶燒峻句容湖孰積聚峻遣將急攻大業或告鑒曰吾兵不習步戰不如急攻石頭則大業自解乃督水軍向石頭亮嶠帥步兵萬人從白石南上峻輕騎逆戰斬之晃引兵赴石

頭商等攻虔亭敗走延陵追擊之商等降眾歸張健健自延陵白長塘以舟車載子女貳重走吳興諸軍擊破之與晃等走巖山斬晃健降峻弟逸復據石頭戰敗于祖陽浦以萬餘人自延陵湖將入吳興王允之與戰于漂陽獲之事平

論曰讀史至晉懷愍元明間蓋不勝驚痛也胡虜凶鋒臣民逆節接踵而起以至凍餒至尊販掠如御斯何時乎而海內大亂江東差安中國士民避難者多東渡江何也石勒擾亂河南臨江輒返杜弢杜魯州竊荆湘旋就撲滅王敦桓玄来自上流指麾建業兵

戈所及不至江東也惟蘇峻犯關分兵東下吳郡太守庾冰遂奔會稽管商焚掠截錢唐終以義師電發上下夾攻郗鑒水軍善用所長峻因授首亦足以知克復江東者不必借功步騎之習也

石勒將劉徽韓雍

將

晉成帝咸和五年石勒劉徽寇南沙都尉許儒死之進入海虞六年寇婁縣遂掠武進七年勒將韓雍寇海虞入自南沙

論曰三吳之有海寇固也特胡虜自海入寇為僅見耳舍其長技而與南人逐利水中愚矣晉紀中特紀二虜入寇之地不言所終知胡人渡海作賊不終日之計固不必言所終也